



T5427 / 7922

3

CHINESE-JAPANESE LIBRARY
HARVARD-YENCHING INSTITUTE
AT HARVARD UNIVERSITY

OCT 20 1960





眉公先生晚香堂小品卷之四

雲間陳繼儒著

詩

七言律

元旦卽事

歲朝雲物報新晴。簷柳芳菲轉曙鶯。老去種花扶後輩。閑來開卷認前生。何年救世佛出世。却笑無名公有名。昨夜東隣赴春社。野人爭席子孫迎。

答范光甫

哈佛大學漢和
圖書館珍藏印

眼底風波夢亦驚。桃花何處可藏名。三秋病骨耽支
枕。千古雄心付濯纓。吳市弄簫山石裂。嚴灘釣月海
潮生。他年少伯功成後。與爾平分白鷺盟。

櫻桃

藥欄春盡少花開。葉底朱櫻若箇猜。熟後雨彈紅玉
破。生前烟捧綠珠來。唇脂清淺疑無骨。風味溫柔別
有胎。鸚鵡莫教輕啄碎。擲他年少滿車回。

登山

雨後登山老未便。澗流汨汨短筇邊。桐花欲落不盡
落。幽客已眠仍再眠。六月凍雲鋤不去。數聲乾鵲爲
誰傳。晚來置酒荷亭上。瓜果當排沸管絃。

寄蕭觀察于西湖二首

東海歸來氣尚豪。夜深談劍髮蕭騷。一官滋味同雞
肋。半世功名付蠨螋。枕外青山供拄頰。夢中白簡任
吹毛。相逢慷慨不能別。楊柳影寒霜月高。

其二

菊花楓葉滿河干。旅宿空山付考槃。名姓故應垂竹
素。兵符何似老蒲團。身違日月心猶熱。手卷風雷夢

亦寒。使者近聞求故劍。莫因秋水戀漁竿。

秋日陳叔典過訪泖橋澄鑒寺投詩見贈倚枕奉

答

修竹孤燈晝掩關。烟蘿小閣嬾躋攀。書因病勘重增
病。客到山多不住山。黃葉樹欹吟外影。白頭僧伴鏡
中顏。相逢莫放漁舟去。明月蘋花有釣灣。

壽周繡海

歸來卜築近南城。斗酒名花老弟兄。數畝經營成竹
塢。六時功課付茶鐺。手披圖史神偏王。骨帶烟霞夢
亦清。五十何人婚嫁畢。尚平應是汝前生。

龍井宿王隱君山齋

隱者何年在澗旁。細流洄泮遠松房。未完婚嫁身先
隱。無意逃禪髮任長。見客入山常閉戶。留僧聽雨每
連床。晚來不盡蒼蒼色。黃葉白雲寒滿廊。

泖塔玩月

碧天如洗淨氛埃。萬里秋光明鏡開。湖勢欲浮金柱
去。濤聲忽擁玉環來。微茫雁影雲間沒。縹緲漁歌海
上迴。我欲憑虛吹鐵笛。列真舉手一徘徊。

聊齋堂
卷之四
新柳十首

新生楊柳舊生沙。柳綠沙青欲聚鴉。小立春風鬪香
草。護持濃艷待桃花。漢營十里黃雲淡。楚國雙蛾翠
黛斜。當此柔條不相惜。直教搖落怨年華。

其二

輕煖輕寒曉氣冥。柔枝楚楚水泠泠。宮牆未遣花如
雪。客店先輸酒似澠。婀娜含風驕白馬。參差籠月露
紅亭。年來怕見陽關路。三疊新聲取次聽。

其三

翠條金穗舞娉婷。野渡津頭驛外亭。啼鳥踏來枝太
怯。春風扶起態沉冥。黃河水破初回綠。紫塞沙寒不
放青。此日深閨游子婦。只愁飄泊逐浮萍。

其四

去年約略半池萍。容易韶光到客亭。一夜微波消積
雪。滿城疎柳帶殘星。含顰眼化仙人碧。入畫眉添京
兆青。如此纖纖可憐色。誰言垂老望秋零。

其五

東風淡蕩影徘徊。斂態凝愁傍落梅。疎翠護枝披早

霰綻黃粘凍。候輕雷。此時稽鍛陰全薄。幾夜羌吹花
不開。依舊西京春色。何人走馬過章臺。

其六

新律陽和變歲寒。帶圍減盡嬾加餐。建章宮曉春暉
動。太液波渾雨雪寬。碧水縑絲初放繭。綠雲欹髻不
勝冠。綉窗紗外簾籠上。非霧非烟仔細看。

其七

半含殘黛半輕黃。腰瘦眉纖總斷腸。甲破漸分榆火
碧。芽肥欲鬪乳茶香。雖然離別難攀折。得似風流漫
學狂。曾憶年年芳草路。嫩寒搖曳酒旗傍。

其八

物候驚春土脉和。未開寒食已婆娑。輕勻霜後黃柑
色。清淺鑪頭綠酒波。翡翠簾虛烟半織。鷓鴣聲凍雨
無多。河橋車馬頻回首。一片青青奈若何。

其九

正月驕陽氣序暄。茫茫微綠破新痕。漸舒密葉藏黃
鳥。誰遣韶華到白門。隔歲冰霜將共保。逐時桃李儘
教繁。先生高臥春風裏。烟外旌旗未可喧。

其十

泥融沙漲雪痕消。到處芳菲着舊條。隔水半藏青雀
舫。迎風斜倚赤欄橋。樓頭人醉初橫笛。灞口春陰不
上潮。陶令柴桑歸去久。五株門外已飄搖。

贈閩中朱山人移居廣陵

自笑齋遊五岳糧。武夷何必便吾鄉。宅臨楊子濤聲
壯。名借朱家俠骨香。淮苑秋風空老桂。隋堤明月遶
垂楊。家貧攜得牛腰卷。還喜能堪霍背裝。

題茅山民小照

竹裏伊人何太豪。看他未許着吾曹。悠悠世態水堪
飲。落落雄心僕命騷。有霍在林終展翅。神鵬擘漢不
籠絛。小茅得道難皮相。休擬添君頰上毛。

題錢侍御小輞川二首

經營輞口廿年餘。山轉溪迴不礙車。石上松枝高士
塵。樓中薤葉列仙書。垂楊大道春調馬。綺樹流清夜
網魚。月白歌鐘催進酒。名花百隊擁堦除。

其二

家去園無百尺餘。登臨猶自上巾車。青山有政修僮

約紅袖含香捧道書。看竹客馴啣字鶴。采蓮舟引聽歌魚。王裴底事偏耽寂。花落花開獨掃除。

山中作同沈孺休孫世聲

籃輿游倦便貪眠。彝鼎圖書自在緣。洗耳尚逢高士笑。折腰肯受小兒憐。白駒空谷花迷路。黃犢廬邊稻滿田。雪色後槽新壓酒。客來不費杖頭錢。

送蔡禮卿之嶺南

鵬弓鵠印獨橫行。年少江東久著名。不獨韜鈴無對壘。從來詩句亦連城。寶池印月珠胎動。犀火燒雲海怪清。試壓荔枝千石酒。臨流一酌伏波營。

壬子五月唐季陶過訪投以新詩山中答謝且訂

後約

衡門風雨燕差池。冠劍何來佩陸離。秣苑縱橫無礙辨。醉鄉唐突有情痴。一瓢詩就憑誰賞。百尺樓空得我遲。早晚還期同信宿。莫教先勒北山移。

寄慧解并致蓮公

買得好山長苦出。少年羨汝獨安禪。閉門刪草不辭倦。對月讀經曾未眠。藥灶夜留桑柘火。草堂秋淡荻

明齋堂
卷之四
蘆烟穿林有伴攜琴至。聽到松風第幾絃。
壽于宗伯六十二首

穀城橋畔石門斜。此是山中宰相家。愛客半傾天下
士。無園不獻日南花。中原夢卜歸調鼎。便殿傳經憶
賜茶。咨理喜逢黃髮在。秋風雙鬢未全華。

其二

十年同舍先揆席。一疏歸來獨考槃。羽翼苦心成蔗
境。絲綸老手付蒲團。徵求山海黃金盡。涕淚乾坤白
髮寒。珍重清朝濟時者。人言耆德在甘盤。

送春

柳絲燕子故飛揚。杜若蘼蕪接袖香。每過可憐寒食
節。回思真負少年場。春深膽怯花時雨。老去情銷鏡
裏霜。此日風光偏淡爽。酒杯到手莫辭忙。

城南看桃花辰玉拈分天字

潮落城南好放船。此中風物更澄鮮。家家種竹成村
巷。歷歷天桃亂渚田。春氣稍濃新壓酒。花光忽轉薄
陰天。無言欲去頻回首。渡口漁郎又隔年。

賀友人七夕得子

南極祥光照綺疏。充闕佳氣繞懸弧。藍田仙種懷中玉。合浦鮫投掌上珠。令節雙星牛共女。清商一曲鳳將雛。醉盤笑語真如畫。添入璇閨百子圖。

送友人蛟川幕府

吳鈞如雪照行裝。直指蛟川客路長。揮塵坐傾天下士。飛書夜逐海南王。參軍馬借桃花紫。大將營開細柳黃。從說君才能草檄。何須醞酒祭天狼。

贈醉茶居士

山中日日試新泉。君合前身老玉川。石枕月侵蕉葉夢。竹爐風軟落花烟。點來直是窺三昧。醒後翻能賦百篇。却笑當年醉鄉子。一生虛擲杖頭錢。

咏病僧

秋老終朝不出戶。蕭然晏坐一繩床。修眉遮眼漸堆雪。破衲擁肩如帶霜。却粒每餘施烏飯。寫經兼錄衛生方。尋常幻質曾窺破。懶集同參禮藥王。

讌詠走馬燈二首

三五春烟月倍明。忽驚烽炬起龍城。騰空巧借旋風色。搏影真標掣電名。甲騎聲沉如有伏。關河永夜不

停征。太平玉燭胡塵淨。寄語將軍莫請纓。

其二

一夜俄驚萬灶明。軍中斥堠接連城。虛空閃出旌旗影。咫尺難分部曲名。疾走玉關愁暗渡。飛來鐵騎慣宵征。明朝報得烽烟息。誰與將軍去請纓。

寄朱文寧祭酒

護竹條桑一畝宮。門庭蕭寂古人同。息當六月風斯下。名在千秋日正中。笑倚好辭黃絹婦。醉嗔能忍黑頭公。年來袖却絲綸手。何處看山挂短蓬。

壽張葵陽七十君居黌之西序

及肩短髮雪初齊。日日春風桃李溪。居似梁鴻廊廡下。人如張緒掖垣西。駐年白石傳靈訣。按曲紅兒記舊題。老去正憐詞賦力。酒錢常挂手中藜。

送曹學博掌教英山

絲絲楊柳弄新妍。握手河梁思黯然。借舌曹丘聲價重。解頤匡鼎菴林傳。名山鼓屐探佳句。永日焚香檢舊編。若憶松江魚膾好。左慈曾釣雪鱸鮮。

春暮寄項楚東

一春風雨頗支吾。花事如今近有無。童子捲簾通燕
燕。先生中酒唱烏烏。村深客饌供櫻笋。水落魚竿挂
菰蘆。莫笑道人多謝客。誤人頭白是陰符。

壽賀伯闇六十四首

歸來風月未全孤。不學黃冠乞鑑湖。小宰權衡叅六
典。大人辭賦勝三都。清商曲引將雛鳳。孝義門栖反
哺烏。逐客中原頭半白。誰耽著述老潛夫。

其二

憂時抗疏欲回天。高臥滄江不記年。野老相逢推祭
酒。英雄高蹈卽神仙。一門孝友誰爲政。八代文章別
有權。却笑知章歸計晚。白頭方乞鏡湖烟。

其三

清朝何事早抽簪。搔首秋霜髮未侵。章奏萬言摩虎
穴。姓名重譯到雞林。齊眉案有長春酒。洗耳門無暮
夜金。漢主近聞求故劍。肯教風雨老龍吟。

其四

日日瞻雲憶故鄉。賜歸真覺主恩長。名山桃結三千
實。別業家無八百桑。大酉深藏書滿屋。長庚遙對酒

盈觴充閭咫尺浮佳氣掌上明珠是夜光。

朱修能別三年冬日携仲氏過訪夜酌感賦

一別三年到草堂。相看驚嘆鬢毛蒼。擁爐臍酒深深醉。勒凍梅花緩緩香。十里寒潮不登岸。五更落月欲爲霜。天涯去住難爲計。蕭瑟北風驅雁行。

端午日公美以虎丘茶菖蒲酒見餉并投佳篇倚

韵答謝

雨過山青畫不如。空山誰解問幽居。茗甌數點浮花乳。蕉葉一窗供草書。樹底科頭調舞雀。池邊麈尾戲游魚。葵榴媚眼菖陽綠。拚向先生兩鬢疎。

壽張熙臺八十

談經如屑口如懸。八十秋霜未滿髯。儒苑人推衆父父。醉鄉君覺獨仙仙。宅容蒿草求羊徑。架積湘芸老蠹編。笑指王門裾嬾曳。桐陰蕭寺日留連。

邀友

模糊新綠欲平橋。載酒迎君路未遙。青雀舫迷楊柳渡。白鷗羣聚落花潮。相看玄鬢交應老。不遇紅兒醉易消。明日好扶餘興在。黃柑斗酒尚相招。

聊齋志異 卷之四
太原王光祿家見白燕一雙。生民戶曹中。其眼如丹。比尋常紫燕更雋。賦三首。

紛紛白水滿春塘。淡雨微烟更渺茫。新壘落花紅粉薄。隔樓芳草雪衣涼。舞翻掌上明珠色。零落釵頭片玉香。正是懷人太無賴。五更殘月照空梁。

其二

溶溶漾漾若爲容。照影翻憐粉黛工。傳信不隨青鳥至。忘機時狎白鷗中。踏殘玉樹晴還雪。飛傍珠簾色是空。別院春光更無限。梨花夜月柳花風。

其三

從說烏衣獨擅名。鉛華洗盡更才情。粉墻飛過疾無影。紅雨拂開微有聲。總是風塵真不染。尙猜毛羽太分明。只今時俗朱顏薄。春社歸來莫亂鳴。

壽張後軒七十

生來道骨自蕭疎。七尺修髯畫不如。曾進神仙橋下履。尙留小友架頭書。竹窗永夜聞絃誦。花徑長春獨掃除。平子老耽詞賦癖。可無佳句寄雙魚。

甲寅仲春京口送王尚寶遜之北上爲賦二章

蕙蘭風轉草氤氳。此際王孫別路分。新尚鳳池誇振
彩。舊曾麟閣畫遺勳。兩行燭引桃花綬。五色泥封薤
葉文。有詔自天頒寶冊。少年承寵不如君。

其二

趨闕爭看綠髯郎。風流文采美清揚。公餘好註五千
字。相業惟留八百桑。鵲起大家工子墨。龍蟠小壘賜
侯王。朝歸緩騎垂楊外。帶得爐烟滿袖香。

喜雨

長松高枕髮蓬鬆。山雨飛來暮色空。風入天門排象
緯。雷翻陰火破鴻濛。黃金布地楊枝露。白璧沈河瓠
子宮。不獨清涼解人意。拈椀聲斷綠楊中。

送學師

三載歌風及講堂。那堪一曲動河梁。關門紫見真人
氣。藜火青分太乙光。束帶縱橫天下士。環橋到擁日
南王。清朝典樂夔龍在。喜聽虞絃入未央。

送方衆甫北上

司馬乘春向北平。陰符在匣寶刀橫。莫因雨雪愁行
路。聞說關門欲解兵。芳草未銷殘火近。黃河直壓飽

帆聲到時知爾烽烟淨。好爲題書慰耦耕。
賦得日煖龍池鬪春草

內家結隊鬪春光。雜坐花茵笑語忙。歷盡夜來金輦路。不禁扇底畫衣香。羞粘游女尋常種。試問宜男若箇藏。莫憐幽叢候新月。后宮卷耳未盈筐。

借佛占嘯民下山同汎嘯民善嘯

下山迴棹晚風和。扇底魚吹樹底波。欹枕臥看山氣好。焚香靜覺鳥聲多。青天渺渺仙人嘯。白石粼粼漁者歌。歸去只愁車馬路。板扉何日長深蘿。

題泖塔圖

寺門楊柳聚栖鴉。泖塔寒燈落葦花。水月平臨空作觀。烟波縈繞樹爲家。鐘殘鳥食施荒草。日午龍髯曝煖沙。一片石臺秋色裏。老僧時出浣袈裟。

送王辰玉

岐路徘徊淚欲潛。臨行細雨菊班班。秋深霜煖未聞雁。日落草枯惟見山。幾向斷橋鞭款段。何時修竹坐潺湲。欲知別後愁如許。滿篋新詩爲爾刪。

題馬郡倅從祀錄

水雪孤操鐵石心。莊嚴廟貌樹陰森。高山仰止春秋
祀。如水曾無暮夜金。百二關河推世德。六千君子獻
謳吟。貽來燕翼孫謀遠。透膽清風滿士林。

飲沈司馬

節旄零落厭時名。白髮黃柑酒暫傾。下士不辭虛左
見。何人堪入汝南評。臥龍歌罷悲風起。羅雀門深夜
色清。相對一燈憐晚節。梅花籠月散高城。

贈李少保功成以墨衰平播故及之

男兒忠孝一生心。洒淚從戎戰轉深。山斷中原纏殺
氣。兵稱神武盡謳吟。特開郡縣長春地。清絕門庭暮
夜金。爵土酬功應列等。摩崖誰爲勒碑陰。

壽沈夫人七十時日峰翁家居具慶

幾年無夢到京華。燕喜高堂樂未涯。綠鬢歸來歌進
酒。白頭相對笑看花。嶺梅傲晚香生艷。庭樹迎春玉
吐芽。每向筵前拜家慶。郊居真覺主恩賒。

送友人之金陵二首

芙蓉初綠螭蛄啼。霜滿蒹葭月滿溪。樹裏白雲宮闕
迥。夢中紅樹酒帘低。人當別處吟偏劇。馬識曾游路

不迷。遙想秋風登賦日。松陰十里孝陵西。

其二

西風送客出旗亭。握手臨岐酒易醒。江畔疎楊帆底露。石頭新雁月中聞。環橋寇帶今園壁。繞闕關河舊漢京。總是鐘山多紫氣。秋深應念九峰青。

題餐霞館

空山伐木鳥相求。卜築東巖枕一丘。落日倒懸紅寺影。清泉洗出碧苔秋。客筇點處真如畫。仙館憑虛不用樓。我欲飽餐餐霞五色。人傳笙鶴在峰頭。

壽節婦

白首孀居影。金憐弄孫抱。子總凄然春。衣縫線每深夜。晝錦稱觴如有天。夢斷保孤存。趙日恩餘垂老報。劉年明朝女史誰椽筆。好記雙清寇簡編。

送王州尊丁內艱歸

落木蕭蕭咽暮蟬。悲歌相送淚如泉。誰知一雀隨行日。失却慈烏反哺年。南國雨深棠樹影。北堂愁絕蓼莪篇。千秋遺愛穹碑在。擬共羊公峴首傳。

新秋六首

夜來秋色到梧桐。片葉分飛。禁苑中。鴻雁一聲長塞北。鱸魚七月大江東。青樓少婦調砧杵。白馬胡兒問角弓。大火西流寒欲近。授衣誰復念幽風。

其二

一片秋聲入埜塘。西風蕭瑟響寒螿。馬嘶大漠川沙白。鷹下平原草木黃。疎菊籬邊如待酒。芰荷池上可爲裳。歸人萬里情無限。隔岸蒹葭夜木霜。

其三

悲秋無奈獨高歌。歌罷其如秋色何。金屋佳人啼素扇。玉門老將枕瑯戈。玄蟬咽露驚飛葉。烏鵲披星欲渡河。聞說洞庭湖水濶。朝添新綠漾微波。

其四

西望瀟湘秋水長。大風初捲白雲揚。銀河夜落機中錦。玉露朝侵陌上桑。螢渡空梁栖燕幕。魚翻靜渚戲蓮房。亦知此日行吟者。一段愁心挂夕陽。

其五

暮雲縹緲大江邊。搖落秋風又一年。古堞啼烏星欲暝。荒臺游鹿露初鮮。陰陰樹色遲清夢。杳杳鐘聲兀

懶禪。多少天涯游子。在。劍花彫盡。苧衣單。

其六

門掩秋風正寂寥。荒原落日草蕭蕭。獼猴趁月窺山
果。鳥雀驚人下黍苗。華屋珠簾嬌白苧。疎燈角枕怯
冰綃。閒來偶渡前溪口。柳葉菱花一尺潮。

秋夜對友

城隅黃葉杜門時。不是深秋也自悲。珍重故人雞黍
約。淒其風雨菊花枝。蟲經霜氣頻啼夕。酒遁村瓢進
餉遲。相對梨床燈燼落。爲君三咏伐檀詩。

壽汪太公九十

滿肩雪髮老南華。九十春光日未斜。鳩舞杖頭嘶綠
玉。雀隨屐齒啄丹砂。新詩帶月題蕉葉。清嘯臨風入
澗花。長飲一杯廉吏水。不須洞口問胡麻。

送許墅游使君還部

蘭省爭推使者賢。分符轉給水衡錢。官清長讀五千
字。山近惟供第二泉。行李出關真氣紫。及瓜迴馭使
星圓。臨軒若問東南事。麥隴蕭蕭水接天。

題二陸祠

積翠遙含最上層。草堂殘壁半垂藤。一時兄弟真豪士。千古蘋蘩但老僧。松偃空壇巢野雀。客留深竹話孤燈。明朝又有黃花酌。山下扁舟到未曾。

咏虞山星壇七檜

禮斗壇空風雨聲。歲寒千古自崢嶸。仙人劬杖雲根斷。山鬼馮枝霜影清。鬪罷怒龍髯半脫。飛來靈鷲石初橫。支離老狀君休笑。縱有秦官不受名。

送林令君入覲

救時爭頌使君賢。蒿目東南似解懸。誰使民皆無菜色。直看海已變桑田。笑談盤錯多餘地。旋轉瘡痍有二天。增秩賜金明主事。此行端不愧臨軒。

頑仙廬

新築黃茆手自編。開窗面面入雲烟。吾衰不羨凌風御。才盡如行上瀨船。懶向山中稱宰相。偶於陸地作頑仙。出門花底家家醉。剩得青藜數百錢。

壽吳司理

竹馬兒童迎下車。使君風節正懸魚。但教澤國垂棠蔭。甘向官齋飯草蔬。執法猶開三面網。焚香欲飽十

年書只今已是神仙吏。道骨清虛。雀不如。

送陶大冶入武林

滌湖蘋綠正堪漁。靈鷲山頭又卜居。終日據梧南郭子。半生種樹橐駝書。石橋臥月吹猿笛。花徑逢人下鹿車。爭唱西湖柳枝曲。五株門外莫教疎。

送王長玉北上

出門莫問踏寒沙。只尺春風戾物華。三月啼鶯頻勸酒。十年騎馬始看花。文章真合題黃絹。姓字從教護碧紗。醉領六街絃管月。思親還道不如家。

壽吳蘓臺

芰荷衣冷葛巾斜。人說當時季子家。片片青山落君手。年年白髮賣烟霞。杖頭錢挂十千酒。籬下菊留重九花。來去扁舟有秋水。逍遙不復讀南華。

贈吳白雪奏最

治平第一吳公優。文采風流擁上游。白雪高歌南二始。青天傳誦東諸侯。如山牘似承蜩掇。酌水錢因飲馬投。試看野人岐麥秀。肯教循吏積薪留。

壽顧蓉山七十

少年俠烈氣嵯峩。鏡裏秋霜近若何。三刑連城翻售
楚。千金寶劍合歸吳。御屏親勒循良最。文苑遙傳姓
字多。咫尺家山身未老。新詞好付雪兒歌。

壽友二首

勝日籃輿到處逢。投簪更覺主恩崇。青山不解催頭
白。丹輔非關借酒紅。萬卷老能游竹素。百錢閒付看
花筇。門前五柳風霜在。猶避當年御史聰。

其二

于門列駟主恩崇。貂錦文孫屬上公。名入丹青循吏
傳。人推清白舊家風。栢臺烏靜霜威肅。花誥龍蟠瑞
氣封。祖德千年彝鼎在。對揚長祝翠微宮。

題施子野山居八首

空山猿雀久相安。熟睡松根夢不寒。種竹近添千百
箇。選筇常得兩三竿。春來幾許新鶯早。草去無多舊
路寬。門外隔離村犬吠。買花船已過前灘。

其二

才背城居夢也安。枝峰蔓壑氣清寒。孤亭直插雲千
頃。別館遙通竹萬竿。人擁如花香國近。酒逢對手醉

聊齋集 卷之四
鄉寬。秋來最愛芙蓉信。先結茆茨在釣灘。

其三

榆柳村墟處處安。春陰更覺北山寒。鑿成芳沼猶餘地。添得新潮釣半竿。衲野負琴松磴滑。鹿麋分席草坪寬。移家經月峰頭住。不到花開不下灘。

其四

偶設柴門位寘安。日長門靜午炊寒。雀雛眠處花如雪。燕子來時笋透竿。放入白雲巖竇小。展開青嶂畫圖寬。忽然清嘯林端發。驚起羣鷗飛過灘。

其五

入門先問竹平安。脩竹娟娟晝亦寒。閒掃松陰留藥灶。亂飛花瓣打漁竿。板橋回互投筇險。石路盤旋進履寬。醉後不妨乘月去。小舟撐出綠莎灘。

其六

草堂聊托一枝安。白日長松起暮寒。人對鳥巢如比屋。子知魚樂莫垂竿。好花四面帷常下。新柳三眠帶較寬。風雨收晴春事盡。空香隔斷浣紗灘。

其七

山北山南性亦安。澗流清淺薜蘿寒。振衣木末岡千仞。高枕窗西日幾竿。家釀但容名士飲。酒杯微遜碩人寬。赤欄橋外青油舫。只在桃花放雀灘。

其八

小桃折向胆瓶安。侍女開窗罵曉寒。紫燕故衝花圃屐。青驪遙識酒旗竿。排當座右圖書富。搜剔山陰水石寬。蝌蚪新生春雨足。菱蒲綠過幾迴灘。

送畢司理

翩翩仙鶴戀王程。不減河陽萬里情。向闕已瞻紅日近。專司更喜白雲清。北風爽氣歸環佩。南斗文光擁旆旌。他日思君無限意。陰陰菱樹五茸城。

花朝

美滿春眠春較遲。五更常失北橋期。愁添白髮餐雲母。戲寫青山付雪兒。暖玉碁消千日酒。冷金箋譜百花詩。年來學得長生訣。一味賣歎兼賣痴。

陝西楊中丞父母雙壽

黑頭幕府擁專城。萊舞堂前畫錦明。北極星懸中執法。西方月殿兩長庚。烏臺栢葉風霜古。鷓杓葡萄酒

艷清。太華峰高通帝座。雲中笙。雀好相迎。

漁起字用八音

金鈎釣得錦鱗歸。石上磨刀月滿衣。絲網捲來蘆葉岸。竹竿放在蓼花磯。匏樽有酒君須醉。土灶無風火自飛。革盡世間塵俗事。木頭爲枕菴鬼稀。

樵

金焦山色大江邊。石壁千尋一片天。絲網落花蟲子細。竹搖秋雨斧聲連。匏瓜當徑逢新鹿。土室生烟臥老禪。革去世間幾番夢。木根挑盡白雲還。

讀

金谷花明日正長。石床冰簟碧梧涼。絲成步障開雲錦。竹劈雙簫吐鳳皇。匏葉蕭蕭緣水岸。土花點點綉山堂。革除俗事惟書史。木几閑披一兩行。

壽杜封公七十

世業城南尺五天。掖垣花暎彩衣鮮。似開丹穴春申浦。恰捧綸書建亥年。澣沐恩華明主賜。逍遙真訣至人傳。祝觴漫進鳩頭杖。雀背洪崖與拍肩。

送項東鰲入覲

昔年鳧舄影翩翩。仙令華亭度紫烟。縣底依然桃李色。囊中幾賦筆花篇。朝天重拍一雙雀。指日還調十五絃。共說張華今入洛。劔光高逼斗牛寒。

壽吳醫者父

君自延陵季子儔。黃花酒熟正當秋。閑來共客扶鳩杖。醉後憑人整鹿裘。茶碾就烹蕉葉下。藥瓢斜挂杏枝頭。仙郎更有長生訣。海屋新添七十籌。

賀詹太守考滿并壽

百里陽和大海東。循良今喜得文翁。治先禮樂吳稱最。邑有絃歌魯識中。春風馬帶桃花色。寶篆香隨柳絮風。御屏已自親題姓。千載還知勒鼎鐘。

壽人母

曳月簪星下絳霄。銀罌金管奏笙韶。曲池半渡歌黃竹。南岳相迎贈翠翹。玉女承漿甘露色。錦衣翻綵碧桃嬌。畫堂三月開歌席。九十春光正未遙。

三柳重陰賀項華亭課最北上

月明花影滿河陽。奏最曾聞達建章。十道徵書隨鳳下。五雲飛舄化鳧翔。珠簾不捲絲桐靜。寶匣猶藏諫

草香遙想縣門垂柳色。他年應擬似甘棠。

贈吳本如方伯

征車到處擁兒童。游宦真如戲海鴻。列國觀風推季子。西京循吏首吳公。四知金絕門庭肅。百折川回砥柱同。一自投錢渭水後。誰人飲馬到河中。

贈竇淮南憲長

外臺清似列仙居。南北峰高畫不如。執法猶開三面網。焚香只讀五車書。鏡懸照膽神奸遁。火出燃犀海怪除。共擬黑頭新賜節。虎旛熊軾佩金魚。

柳上登塔三首

明河秋水浸長天。倒影奔流瀉百川。地脉空虛浮色界。波光搖蕩入村田。江清霜氣酣紅葉。月暈寒濤吐白烟。醉後乘潮弄歌去。浪花不動老龍眠。

其二

湖上扁舟酒一瓢。蘆花影裏碧雲遙。風吹大澤生陰火。天入平沙斷野橋。神女弄珠乘夜月。支公餘酒浴春潮。茫茫烟雨無尋處。鷗鳥飛來欲聽簫。

其三

四面空波捲大荒。中洲有寺繞垂楊。水扉風送青蕪色。石塔烟籠白寶光。虹氣吸雲疑海市。神燈騎浪渡魚梁。臨流無限懷人意。愁殺蒹葭一夜霜。

壽朱近溪

幾年踪跡嘆飛鴻。歸隱攜家泗水東。回憶兒童騎竹馬。漸隨長者看花筇。心閒未許催頭白。容少非關借酒紅。四壁雖貧書萬卷。衡門紫氣已成虹。

和沈司馬純父韵

英雄垂老未藏名。廿載深心向客傾。樵牧誰救文苑傳。聖賢還付醉鄉評。老梅約束香中韵。凍月虛驕格外清。自倚冰霜詣歷盡。不愁寒色動江城。

樵李丁烈婦伏劒殉夫。士大夫卜壤葬之。送者萬餘人。拜墓之後。感而賦六首。

欲罷招魂調轉哀。傷心今古自徘徊。等閑白骨成秋草。爾獨黃金築夜臺。照鏡孤鸞隨影滅。讀碑下馬幾人來。雙旌莫遣經羞墓。怨霧愁雲黯不開。

其二

孤墳半畝枕蒿萊。一點冰心若個猜。老樹叢祠狐窟

聊齋堂 卷之四
泣。百花香土鳥啣來。永傳幼婦江邊石。不作秦王劫
裏灰。寂莫千秋誰吊古。短衣白髮掃蒼苔。

其三

伏劔從夫亦大奇。清風百世汝真師。鏡分地下終當
合。兵解人間未可知。名士如雲爭上塚。使君不日起
專祠。玉鳧金雁豪家墓。仆盡空山沒字碑。

其四

蕭條露屋度年華。女史何曾授大家。不分紅顏輕白
刃。却勝青塚怨黃沙。血痕黯淡凝啼竹。燐火微茫照
績麻。松栢凌寒高百尺。嚴霜休打女蘿花。

其五

撮土雖新骨尚香。行吟到此盡沾裳。劔花血濺千年
碧。墓草陰扃六月霜。正氣晝能驅魍魎。清魂春不化
鴛鴦。道傍古塚纍纍者。誰采溪蘋薦一觴。

其六

少年慷慨激頰波。綦縞今朝勝綺羅。有鳥求凰別求
侶。生男如虎不如它。英雄半向烟花死。仙骨須知節
義多。化雀夜歸華表上。令威消息恐蹉跎。

雪中舞雀十首

舞鶴曾披鮑照文。雪中妍態更紛紛。碧空搖曳仙人馭。縞素騰驤君子軍。響作珮環敲夜月。影翻簾幙卷晴雲。寒鴟饑鶻空相妬。雲漢孤蹤自不羣。

其二

秋暮遙聞警露悲。凌風獨傲歲寒時。六花玉剪青田翮。三樹珠縈碧落姿。北海霜鴻猶避翼。西離雪鷺可爲儀。從今清賞銀屏夜。不遣紅兒按柘枝。

其三

彤雲黯淡景淒淒。密霰疎翎高復低。妝罷臨風梅墮額。袖長垂地絮沾泥。貞姿不羨彈朱雀。清影如調吐綬雞。聞說越裳來白雉。鳳池春暖好同栖。

其四

雪花輝映雀澄鮮。上下參差兩鬪妍。丘壑自誇孤翮健。風塵不作折腰憐。竹巖墮嚮頻迴步。茶灶飄香欲避烟。聳翮直憑高處望。何人乘月剡溪前。

其五

九臯逸格杳難攀。更喜冰霜爲洗顏。四望流光真淡

宕。一回弄影亦高閑。鮫人風動寒珠箔。羽客春酣倒
玉山。多少雕籠雪衣女。羈心空托隴雲還。

其六

簾籠佳氣曉氤氳。掠袂低鬟屢顧羣。碎羽滿空遙莫
辨。清音摩漢始相聞。纏頭點綴紅番錦。洒翰淋漓白
練裙。蕙帳依然明月在。夜光休怨北山雲。

其七

霜紈冰繭疊輕茵。有鳥來儀小院春。穿入梅花傳素
彩。撲殘瓊樹落香塵。御風玉洞肩高頂。弄月珠簾影
似人。太史書年方表瑞。兩階千羽莫辭頻。

其八

飄蕭松竹偃雕欄。頂颺桃花只未殘。洗刷但教塵土
淨。翩翻不惜羽毛寒。冰絃凍拍雙飛雁。玉鏡春描對
照鸞。緱嶺月明多故侶。乘軒雖好莫盤桓。

其九

瑞葉玲瓏映綺疏。蕭蕭仙翮戲庭除。花林索伴騰猿
影。苔砌尋踪印鳥書。寒色離披珠母障。春風蕩漾玉
人裾。當年有客呈鸚鵡。誰信冰山化子虛。

其十

兔園春動物華新。靈羽聯翩顧影頻。欲逞華姿全躡翅。不禁寒艷巧迴身。電飛俠骨雙丸劍。風卷蠻腰獨步塵。殘毳一庭如積葉。莫教齊付掃花人。

叔真弟二月十二生作詩壽之

初度春逢兩度晴。晚年應學少年行。田園共樂貧長統。婚嫁粗完老尚平。何必洞天藏大酉。漫攜斗酒祝長庚。誰云一日長乎爾。滿世百花皆是兄。

古塚

松杉偃蹇仆枯蓬。苔蘚緘碑字已空。狐戴爛髑秋拜月。鬼吹燐火怯啼風。玄黃血戰千年計。紅白花開一畝宮。駐馬道傍君莫問。樵人傳是古英雄。

華聞修兄弟入山見訪雨夜止宿

鵲盼林柯報好音。空山有客解招尋。高談欲散天花雨。息影非依曲木陰。我愧晚來營兔窟。君名早已到雞林。床頭底是風雷吼。雙劍飛鳴夜轉深。

題杜弼武經武堂

珠幢玉節錦爲車。衛霍當年似不如。生縛名王編部

伍直教。廝養破穹廬。營開細柳鳴。鵬箭幕擁桃花絕。羽書盟府籌庸真異等。襁中兒亦佩金魚。

題緯文館

草檄兼工絕妙辭。圮橋黃石是吾師。穴中格虜人人虎。領下探珠字字驪。報國全憑三世將。長城不獨五言詩。借君大手如椽筆。摹取陰山舊漢碑。

壽宋石門八十和韻

石門三月晦日生

九十春來八十閒。萬峰遊到幾峰灣。醉扶七尺過眉杖。寫出千金沒骨山。道格養成孤雀健。禪鋒摧倒老狐頑。一龕願與先生共。松火梨床晝掩關。

寄况

西山晴壁映朝暉。有客行歌到竹扉。文字膽能探虎穴。英雄睡熟釣魚磯。志同流水何曾腐。肉未生髀尚可飛。慙愧臥龍牀下拜。龐公老矣是耶非。

贈梅顛道人

謫來塵劫度年華。仙府詞臣第一家。五岳峰高踰綠髮。六銖衣繞綉丹砂。新詩帶月題蕉葉。清嘯隨風入澗花。骨相從看似山雀。終將野性傲烟霞。

山中結夏

山深赤日不到地。樹老綠陰高刺天。雀叫島池藏怪石。花撩窗戶映飛泉。偶翻古帖摹青李。閒放輕舟采白蓮。君若入山同結夏。竹風松月對床眠。

壽周崇德

年少初傳卓魯名。德星遙傍歲星名。綵毫曾寇三千牘。綠綺新調十五聲。花縣雲開鳧舄近。萱城雨洗鵲橋清。天孫謾說支機石。爭似神君製錦城。

壽丘伯畏六十

清時乞得五湖身。自許烟霞嶺外臣。金却四知無暮夜。酒逢千日有長春。鳴琴堂上絃如綺。舞袖尊前錦更新。玉琯陽和生氣轉。夜來還送石麒麟。

題不繫園

西湖誰與開生面。不繫園收不斷雲。翠壁丹崖天宿構。黃鸝綠樹水平分。卷簾花撲雙魚洗。顧曲香飄百蝶裙。金谷玉津成往跡。虛舟一葉總輪君。

又六月望夜半立秋苕帚菴作

十五初迎夜半秋。涼颺剪剪弄溫柔。梧桐一葉落不

明香堂 卷之四
落絡緯數聲幽更幽。生計未能營兔窟。俗緣漸已割
鴻溝。藏書竹篠東偏屋。付與兒孫住兩頭。

浣香居

經春不到浣香居。聞說幽居畫不如。山起濕雲驅宿
鳥。水分崩石界游魚。潺湲澗戶芙蓉暗。豁達簾鉤竹
樹疎。洗耳枕流君亦好。何妨長揖臥田廬。

端午日白龍潭同楊校書侍兒青綃廿一首

楊家女史字青綃。定是花妖與月妖。行酒不辭呈素
手。邀歡微覺帶紅潮。醉拋團扇眠難起。斜倚闌干眼
橫挑。只恐鳳凰飛欲去。莫教天上引吹簫。

其二

少小情痴便解挑。半疑神女半疑妖。司空座右曾拈
拂。鮫客宮中共織綃。青雀舫依春種柳。白龍潭長夜
來潮。含情獨立愁無限。何處月明吹洞簫。

其三

等閒猜作女中妖。洞口曾聞度碧簫。盼盼無心歌艷
曲。真真幻影下生綃。射人精彩多明媚。回睇微茫在
暗挑。見客詩成忙洗硯。百花潭底汲新潮。

其四

不教仙人尺八簫。烟花部裏獨稱妖。娥眉畫影如新月。雀舌茶聲似候潮。小比肩時私送約。大垂手處冷相挑。何時走馬新堤上。脫却青綃換紫綃。

其五

劍俠豪雄不近妖。無情却被有情挑。直前巧賣千金笑。短後偏宜一幅綃。洗盞水清兼弄月。薰衣香透不生潮。箇中滌癖難描畫。新琢無瑕白玉簫。

其六

戲浴蘭湯似弄潮。燈花黯淡莫輕挑。帳粘百蝶撩春夢。曲引雙鸞咽夜簫。密吐纏綿留好伴。懶施羅綺鬪羣妖。老夫自有崑崙手。不用傳書托素綃。

其七

天生姿媚十分妖。不學吹笙不弄簫。似爲乞書拖白練。何須試舞贈紅綃。榴花着意含風笑。鸚鵡垂頭怕客挑。誰借五絲長命縷。結他船住莫乘潮。

其八

紅兒兼帶雪兒妖。留取尊前弄紫簫。五夜欲闌催燭

換三分霑醉背人挑。風生薤葉新水簟。汗滴桃花舊
雪綃。願得歡情俱定准。幽期恰似往來潮。

其九

聽得鄰舟已罷簫。隔簾喚出小蠻妖。醉鄉縹緲誰同
夢。酒政精明不暇挑。公子風流偷解珮。夫人露坐勸
添綃。飛觴促板更籌急。月落空潭欲上潮。

其十

人說妖姬果是妖。白蓮出水復迎潮。若非曲誤何緣
顧。別有心招不借挑。好舞魚腸三尺劍。輕籠蟬翼五
銖綃。何人能捨珠千斛。擲向韋家換玉簫。

其十一

朝乘雲去暮乘潮。洛女湘君不是妖。捉臂共傾蕉葉
酒。瘦腰無奈藕絲綃。錦衾六六鴛鴦宿。玉串雙雙燕
子挑。眉眼低迷多睡纈。惱人清夢一聲簫。

其十二

阿環重見馬嵬妖。彷彿當年子夜簫。白袷玲瓏親浣
濯。彩毬旁落解勾挑。欲裁明月爲紈扇。不剪飛霞作
艷綃。別後雙魚書一紙。秦淮江上正通潮。

其十三

白門紅板漸平潮。儂比垂楊儂更妖。豪客有心將劍換。少年無賴擲梭挑。枇杷花下吟佳句。桃葉渡頭吹短簫。醉後思家留不住。倩誰同挽紫霞綃。

其十四

家家絃索雜笙簫。獨舞扁舟盪夜潮。面熟不遮雲母扇。月明難辨水晶綃。天生太白非施粉。帝賜樵青豈是妖。願學江心新鑄鏡。朝朝形影鏡中挑。

其十五

短衣擊鼓勝長綃。花朵交飛滿座挑。皓腕數擎金鳳釧。朱唇徐接彩鸞簫。兼人飲量能吞月。一道眼光堪射潮。自古偏師多取捷。縱然閨秀不如妖。

其十六

迎烟籠霧月中簫。樂未央兮夜未潮。寶鼎細飄香篆縷。紗牕新網水紋綃。送來半臂難開褶。結得同心未忍挑。燈影朦朧情恍惚。明知侍女也疑妖。

其十七

往往來來客似潮。無心重理舊時簫。不衫不履應無

價傾國傾城未必妖。調笑巧如梁燕語。嬌痴猜作野
狐挑。芙蓉脂肉桃花眼。何必紅衫襯素綃。

其十八

雪鷗點點拍空潮。炙罷笙簧復挂簫。生怕貴游偏落
落。故嗔公子太挑挑。丰姿香艷能驚座。酒德溫柔也
勝妖。疑是傳書王母使。一雙青鳥化青綃。

其十九

綵鷓紛紛競渡潮。吳兒不及女兒妖。尋常梳裏拋新
樣。取次排當着舊綃。艾葉小符輕貼髻。葡萄文錦恰
囊簫。當筵未必真心死。司馬休將綠綺挑。

其二十

蘋末風生柳外潮。解衣盤礴對吹簫。買來荆玉難酬
價。爇盡溫犀不照妖。第一條絃吾已斷。十三行賦汝
堪挑。幽情多寫鮫綃上。但浣溪紗莫浣綃。

其二十一

羞向秦樓度曲簫。偏隨鷗鳥拍空潮。一彎柳葉眉間
畫。數點梅花指上挑。才及飛觴先惡戰。未經對壘半
藏妖。夜來何處逢行雨。濕盡黃衫復絳綃。

友人納姬

仙女吹簫忽下樓。問年十七尚含羞。五銖錢串同心結。百和香勻半臂鞦。鏡裏見人驚却步。夢中索母學梳頭。起來笑點花簪戴。多子先教採石榴。

月明睡起閒步庭中

窈窕簾櫳曲。汞牀空。山寂寂。漏偏長。秋生幽徑。蘭芽長。雨過柴門。稻葉香。小睡片時。游混沌。閒行幾步。納清涼。凭闌却笑南華叟。蝴蝶翻飛徹夜忙。

和周公美感時之作

竹簟清涼松徑幽。傳來時事亦關愁。浮名何苦車生耳。解語翻嫌石點頭。黃鳥聲中分夢覺。白駒隙裏快恩讐。若逢棋局何須看。收拾樵柯去便休。

繡鞋

紅牕曉起奈愁何。輕剪新裁半寸羅。珠結似花粘早露。玉尖如笋透春波。纖纖怯上鞦韆索。步步飛拋織錦梭。若使君王教學舞。掌中餘得幾分多。

李道生詞丈詠枯蘭再花。名士和者甚衆。余爲小引。并撰近體一章。

藝蘭蘭種本都梁。歲久中庭萎夜霜。不死祖州多異草。返魂湘浦卽靈香。清風披拂黃磁斗。甘露輕盈白玉觴。敷艾榮蕭何足羨。蟠根仙李是同鄉。

送別彭仙翁

有序

仙翁老師芝馭再臨雲間。故人已如晨星矣。九月話別青溪。不勝感嘆。

三十五年前送別。前人送者近應稀。重來喜得顏如昨。老去恨無山可歸。龍性少馴終變叅。雀裝多載恐難飛。神仙定有清虛路。不問騰空問息機。

贈南中丞

樓船組練擁瑠戈。飛渡中流海不波。風捲化城空結蜃。雷轟戰鼓似鳴鼉。黑頭公已崇三錫。蒼水龍能治九河。南仲功高誰載筆。摩崖碑版正巍峩。

眉公先生晚香堂小品卷之四終

眉公先生晚香堂小品卷之五

雲間陳繼儒著

詩

五言

月夜登金山

江平秋萬里。山靜月三更。彷彿寒烟外。瓜州有瀉聲。

題郭璞墓

浩浩風波中。悠悠利名路。若個舞扁舟。垂綸郭璞墓。

吳師明臚月雙壽

月白人吹笛。山青鹿叩門。梅花新壓酒。迎取眼前春。
送超然入雲棲

錢塘羅剎潮。吹汝肩上錫。雨過踏春山。泥印鬪虎跡。
贈無瑕上人

寶劍繡不飛。化作長虹影。霜月照禪床。何如鐵衣冷。
贈玉湖漁父爲周叔隱高士作四首

風風雨雨中。新得老漁父。長嘯不驚鷗。花溪蕩雙櫓。
其二

月出浦沙明。掀蓬望高柳。痴筆寫青山。換得烏程酒。
其三

醉披白鷺簑。撥入寒山影。模糊雲在頭。蘋殘笛聲冷。
其四

樵青與釣童。嚮人復安在。周郎三尺竿。補公烟雲債。
遠興

涼雲如水流。遠渡鵲巢去。林葉歷亂飛。仙人嘯高樹。
紅梅

十月衆芳歇。寒風更淒咽。一點漏春光。紛紛落紅雪。
登烟雨樓

樹色度平沙。雞聲在空水。高秋獨上樓。風曠亦烟雨。
夏日贈山中友

長安諸大人。夢逐車馬足。誰能坐山寒。隔橋望空谷。
青塚

一自理胡土。荆蓁掩墓門。至今明月夜。青草語黃昏。
新秋寓山寺

禪誦晚風前。風微遞暮蟬。起來池上坐。洗鉢澄青蓮。
招雀

仙人掃石坐。手揮石上琴。不知山雀來。踏破松花陰。
李夫人

金屋網流塵。松風吹錦茵。珊珊環珮聲。欲去還逡巡。
相如滌器

有婦顏如花。有酒色如銀。擁婦復飲酒。長卿不自貧。
鴻門碎玉斗

拙哉駭孺子。乃爲漢所誘。玉玦爾無成。玉斗爾何有。
江皋解珮

相見不相識。可望不可呼。明月照空水。猶疑遺佩珠。
高漸離擊筑

仰看白日徂。俯傷朱顏酖。擊筑道路傍。相視欲如何。
細腰宮

朝來不飽粟。夜來待君宴。妾腰如柳絲。東西任風捲。
韓重荅紫玉歌

鴛鴦飛差池。載鳴還載悲。情知張羅網。到死不相離。
宿龍井

薄暮日氣黃。腥風戰林莽。行者避虎嗥。居者發精爽。
橋上

兄弟自兩兩。逍遙板橋上。一道柳風來。褰衣渡花浪。
贈楊姬

少婦顏如花。妬心無乃競。忽對鏡中人。撲碎粧臺鏡。
登攝山

涼風吹雪驢。送我秋木杪。頭上有殘雲。足下有飛鳥。
讀李廣傳

天子老將軍。不遣入部伍。見種東陵瓜。還射南山虎。
聞鶯

風光尚冥冥。黃鳥啼不住。借問隔窗僧。曉來聽也未。
蜂

羣蜂乃排衙。剪綴百花色。菓底蜜房懸。纍纍衆香國。
壽王母

玉璣貯黃流。丹砂忽吞吐。何如阿母顏。桃花方十五。
飲惠泉有感

陸羽竹爐寒。清泉氣若蘭。如何出山後。便作下流看。
雪夜

一斗紫醪酥。百石葡萄酒。粉面裹貂瑜。琵琶不停手。
顧校書折梅寄姚百雉。花郵爲誰髣。道人潘景升
也。代顧祝潘。戲得二首。

摘花豈不憐。分香憐自我。花得入歡懷。投儂一車果。
其二

所思美且髣。花郵髣亦好。寄花不到歡。剪儂鬚鬪草。
仲春過吳門游虹橋積善庵題畫

絕壁挂松陰。遮絕游人路。好着支筇僧。石上成三箇。
題碧梧高士

閒揮白羽扇。一再讀靈文。世外無生客。胸中有活雲。
送友

三年一鬪草。萬事總空花。是人能逐鹿。無筆不驚蛇。

送維默上人

汝爲看梅花。不待花謝去。香雪白茫茫。尋汝知何處。

新夏

細雨滴梧桐。新枝覆新葉。露頂涼風前。雙鈎青李帖。

題畫

茆閣架空巖。飛瀑如亂雪。有客抱筇來。行吟踏秋葉。

題馬姬畫蘭

畫蘭不在肖。寄與郎知否。非無桃李花。貴出儂親手。

山居夜望

兒童逐白鷗。轉入松蘿影。夜深不歸來。月照葛洪井。

春日

飛瀑界桃花。幽雲幕修竹。門外無人來。家中有書讀。

棲真洞

白雲扶我來。轉入棲真洞。記得月明中。鐵笛曾三弄。

泖橋

水月吾無隱。松風汝弗如。草堂清不掃。一卷圯橋書。

題飛瀑圖

初夏雨新晴。濃陰沒石齒。空巖雪瀑飛。中有巢居子。

山居

屋在嶙峋上。人宜淡宕中。每逢花信後。如意一枝筇。

望鄉臺

登臺望故鄉。空慚氣如虎。祖老不封侯。孫敗為降虜。

題芭蕉二首

芭蕉大於扇。覆君之古書。門外有客來。買得新鱸魚。

其二

秋夜夢無聊。芭蕉雨又敲。園西多隙地。移近赤欄橋。

秋色二首

新雁已渡江。尚覺秋陰重。舉世大槐宮。馬論醒與夢。

其二

飛瀑白于雲。泉清石根冷。道人晚開門。十里松杉影。

白門柳

苑彼白門柳。垂條近左肘。月宿宮鴉青。春風對面酒。

五大夫松

咸陽一炬火。宮殿成荒蕪。睠彼山上松。猶稱五大夫。

爨琴

軫以白玉絃。塗以黃金徽。寧知爨下材。清音世所稀。

梅

開時在花始。落時在花終。名遂乃身退。汝乃善居功。

菊

桃李領春色。黃花點秋容。萬物各有時。而况真英雄。

蓮

吾欲採蓮花。安坐如車輪。吾欲採蓮葉。酌酒弄明月。

雨中泊烟雨樓

烟雨織河光。半露垂楊樹。却笑來游人。畚因雨中去。

風竹

藤花復高眠。窗所忽驚寢。不是故人來。風動新篁粉。

客至

綠楊覆其上。白鷗繞其側。扁舟何處來。六月羊裘客。

鄭櫻桃

婉孌鄭櫻桃。無奈此狡童。挾彈長安街。賣珠館陶宮。

題咏蕉圖

我策讀書臺。滿種芭蕉樹。夜聽風雨聲。闕來寫詩句。

弄魚

小兒學弄魚。却爲魚所弄。司馬有相公。少時能破甕。

兄肩弟

少小兄弟時。有力負而走。如何中道分。推挽不出手。

商拳

兒曹不識數。呼十常道九。自誇能弄拳。還是模稜手。

避暑

避暑先避客。就水先就陰。臨風一杯酒。無枕一張琴。

梅雪二首

羣鳥鬧梅花。不避春雪冷。我亦如鳥忙。欲立高峰頂。

其二

老僧與韻士。翁集我山家。鳥亦頗不俗。雪裏餐梅花。

題畫

秋高木葉丹。月出水容白。吹笛看飛鴻。我是烟波客。

呈卷懷和尚

有一大比丘。能持菩薩戒。長讀南華經。青松寒影下。

春日山中人招飲

醉舞春山中。雙袖如飛霞。倦倚白石根。遠見櫻桃花。

耽隱

醉鄉真太上。高枕亦何言。我意誰能解。青松暗暮泉。

題淡雲上人碧桃園

寂寂倚春風。但伴竹與石。禪心淨如水。洗盡朱顏色。

山水居

孤嶼俯春江。天青浪花冷。石竇小如錢。窺見飛帆影。

穆天子

白雲滿瑤池。爲樂歌且飲。三年復來翔。何以娛樂朕。

贈池上人

獨坐峰頂時。寒雲繡磐石。千山飛鳥外。望見江清色。

讀書山寺

山風掃竹窗。半弄梧桐影。一卷古楞嚴。床頭瀑泉冷。

題竹石茅屋

竹色冷于泉。泉聲響于竹。有客對山僧。幽冷白茅屋。

秋郊晚酌

漁郎不採魚。維舟在高柳。日暮浦沙明。秋霞落杯酒。

避雨陵

殺北有高陵。風雨一何駛。勿剪陵上松。美人曾至止。

習家池

渴取明月飡。醉處浮雲眠。安得習家池。忽然化酒泉。

題淡雲上人綠雲圖

手書華嚴經。已得三四卷。鷓鴣啼竹中。說偈自清遠。

九微燈

青鳥集殿上。龍膏然九微。阿母太真冠。晨纓綠歲蕤。

玉鏡臺

遺妾玉鏡臺。白色那可比。偷視溫家兒。白髻亦如此。

梁公博裘

千金襲翠裘。着來殿上賭。一言誓如山。媚娘不得取。

解語花

喚妾解語花。妾小不解語。所以君王前。錯呼爾與汝。

贈姚叔梁來游華亭二首

山高鳥不巢。水清魚不住。至人渾是非。一味模糊樹。

其二

運肘如風旋。雲起障中樹。他日游華亭。與爾騎崔去。

題竹柳圖

竹以招伯夷。柳以招靖節。安得同此人。踏殘滿庭月。

木筆

春雨濕窗紗。辛夷弄影斜。曾窺江夢彩。筆筆忽生花。

蘭

誰將清淨水。浣茲根與塵。幽香不出戶。本色住山人。

山茶

少小倚朱顏。嬌妮山園裡。何如玉川翁。松風煮秋水。

芍藥

上巳臨溱洧。春風轉一枝。枝頭落花後。留爾結相思。

茉莉

美人新浴罷。團扇慵無力。月白香風來。倚欄空嘆息。

繡毬

白玉琢花文。紛紛復似雲。休教獅子吼。攪亂一團春。

桂

有人夢廣寒。桂叢千萬樹。宮門鎖不開。留與眉公住。

方竹

外方而內虛。得道已無上。不鬪魚郎竿。還鬪仙人杖。

題東方生圖贈孫嗣洲山人

吾聞上元桃。其核及徑尺。持贈孫山人。同作東方客。

春雨

春江欲入戶。雨勢來不已。小屋如漁舟。濛濛水雲裏。

題葛稚川像

勾漏白雲多。雲度松花冷。五色泉可餐。月沉葛洪井。
詠螢十首

懶向囊中處。羞從草間活。自有黯然光。風塵不能奪。
其二

光彩有時呈。風流無所住。不愧暗室中。明來亦明去。
其三

晚耽書史中。不甘草同腐。帝子借餘光。猶能指迷路。
其四

本非炙手熱。偏惜然膏苦。照書不焚書。却賢祖龍火。
其五

蛾爲燈光滅。螢燒火不真。還當保明哲。切莫近宵人。
其六

數墨但尋行。沾沾逞夜光。何知大人相。離照出扶桑。
其七

夜靜簾初捲。風微帳不開。似憐無睡客。特遣小星來。
其八

瞥爾入門來。照點何曾徹。但使眼前光。心腸終不熱。

其九

弄態秋容淡。撩人冷焰青。且前還且却。或恐假星星。

其十

休誇入幕賓。光焰終須了。記取本來因。小人之德草。

山居四首

手持玉如意。清坐花陰冷。新詞世所稀。一曲紅窗影。

其二

山中雪色猿。子母常連肘。挂壁飲丹泉。攀花釀仙酒。

其三

春陰壓杏花。欲落猶未落。翠羽兩三聲。飛上秋千索。

其四

微雨洗梅花。空池影修竹。偶來亭上坐。頓爾睡清熟。

艷曲

羅幃少風來。流蘇轉不歇。春猫滾繡鞋。鞋瘦如新月。

天目盆松

此松天目孫。嵯峩類其祖。中頂秀擎雲。猶堪坐巢父。

雀哺燕

燕死雀還來。啣花餉其壘。未省烏衣兒。誰爲報恩子。

步月雨花臺木末亭二首

月中一點山。亭下千章樹。葉落路荒唐。孤筇自來去。
其二

山烟流出山。樹影重生樹。秋光如有情。分月隨人去。
宿句容市

車鐸不停聲。中宵羣動起。此時高臥人。月射山窗裏。

新秋四首

東方漸欲明。朝霞月光接。披髮草亭中。疎螢坐荷葉。

其二

薄薄早秋光。偏與竹相入。小雨洒紗窗。拂曙翻疑夕。

其三

朝霞浮水上。水氣綠于眉。殘月猶在樹。櫛髮雙絲絲。

其四

偶搖白羽扇。閒挂青松枝。心手多無事。况遇秋聲時。

山中

溪邊不垂釣。山中不開門。開門山鳥驚。垂釣溪魚渾。

招友

松葉堪爲酒。春來釀幾多。不辭山路遠。踏雪也相過。

梅花

梅花冷如雪。半落山之嶠。不用復彈琴。無絃花自落。

種梅

種梅三百樹。月下落香雪。英雄多負心。難負梅花月。

偶題

長江無停流。古墓無靜樹。笑我獨垂綸。月中自來去。

附六言

山居

籬落不衫不履。草花半笑半啼。老我簞瓢陋巷。看人

走馬鬪雞。

春游

平明欲來山寺。半路醉倒酒家。燕尾剪齊新草。游絲

釣得桃花。

飲虹橋

柳醮鴨頭春水。草分燕尾晴沙。莫問旗亭遠近。窗前

認取桃花。

月下惠山飲泉二首

初光漸辭遠樹。飲彩忽散游塵。月下有爐宿火。山中

無個人行。

其二

却笑品題陸羽。可憐醉飽王孫。曾飲中冷泉水。不如
此處清真。

題野僧茆舍

剪得白茅縛屋。半界山涯水紛。懶向軒前補衲。衲破
自有殘雲。

懷公言天目上晴下雨戲作

上界星河燦爛。下方風雨迷離。雲氣幻如蒼狗。雷聲
啼似嬰兒。

贈龍潭上人

每欲一挑山月。笑尋大小龍湫。何似寒塘半頃。蓼花
白鳥新秋。

題月夜送花圖

藹藹樹交巖澗。凝凝月上亭臺。卷幔忽聞荷氣。開門
客載花來。

日與僧照白公讀書博奕于其別也賦此送之二
首

十七史多刺謬。三千界亦糝糊。試問烏窠和尚。何如
虎圈嗇夫。

其二

臨水知魚樂否。睹棋逐鹿爭先。汝去汝來誰縛。我仍
我與周旋。

澄鑒寺作

高屐見山雀躍。短筇覺我龍鍾。合作無才老子。差強
能忍三公。

山中臨水僧舍

石橋忽斷空沙。垂楊影帶蒹葭。客至一鐫新火。半是
門前浪花。

題雲山

雨過石生五色。雲度山餘數層。時有炊烟出樹。中多
處士高僧。

自詠

若非睥睨乾坤。定是流連光景。半瓢白酒初醒。一卷
黃庭高枕。

避暑二首

雨曳新蟬微響。風梳老雀殘翎。探澗却疑二酉。開山
不煩五丁。

其二

金坐人如溫玉。乞書箋似冷金。翠袖涼分竹色。朱絃
淨拂桐陰。

九月一日

籬下黃花堪把。城頭風雨初來。欲問重陽消息。不知
何處登臺。

題畫

筆在大痴畫中。畫在大痴筆外。恰好二百年來。翻身
出世作恠。

山居

手持班竹鋤頭。睡起刪花理草。忽然走入深林。驚散
一羣黃鳥。

有感二首

明明開眼作夢。急急掉頭是誰。二十四番花信。三百
六旬酒杯。

其二

明香堂 卷之五
世事向同談虎。人情却類泛鷗。莫問大方見笑。我已
小事糊塗。

聽經畢

聽罷一叅法語。散堂三僧五僧。塵尾却掃何處。明月
山頂松棚。

讀書二首

夢贈江淹朝筆。鬼鑄張說橫財。老子近復興淺。家兄
久絕書來。

其二

水月流光灑瀲。梧蕉弄影模糊。老隼曾爲君子。蠹魚
猶勝凡夫。

贈道南上人

達磨踏西而去。誰知此道南來。了却本無住着。請看
鹿印空苔。

贈濂上人

錫杖半隨青席。獨宿萬頃寒雲。雲氣夜來飛去。藤花
又復紛紛。

贈古宗上人

兩祖東來心熱。文字一掃都空。欲鼓向來宗旨。莫教
心路常通。

贈雲麓上人

雲去雲來空谷。壁苔暗生茅屋。日斜一卷法華。坐對
飛泉自讀。

贈靜庵上人

山鳥一點秋色。藤枝半樹斜陽。試與僧雛掃石。消受
水影橫塘。

贈法空上人

欲與雪浪和尚。船頭一卷茶經。笑拍白鷗飛去。踏破
千頃洞庭。

坐僧舍紫藤花下

曾訪雪公到此。藤間一坐殘花。花落山僧掃盡。客來
惟有新茶。

寄居山寺

且從山水去來。莫問是非今昨。衲僧掃地焚香。童子
開籠放雀。

客至

蕭洒侯多編戶。清涼國有吾廬。忽覩快風快雨。恰逢
異人異書。

山中二首

野寺一里二里。山鄰三家五家。燒笋味兼蘭蕙。煮茶
香帶梅花。

其二

燕子飛來枕上。荷花開到橋西。新涼幾番客至。永日
不住雞啼。

泊舟吳門

要離墓前草白。專諸巷口塵黃。一片雄心誰寄。移家
試劔石傍。

題恒修法號

昨夜一番大雨。飛塵亂揚海底。北斗釣得蝦蟆。臭聞
三千里許。

題友人花園

細摘芥茶秋早。新開五菊霜遲。成名付之孺子。痛飲
真是吾師。

看鄰菊

地不空
卷之五
處處栽蔬鋪地。家家穫稻登場。携我床頭斗酒。醉君
籬下重陽。

